

دار تغاريد نسر للنشر والتوزيع

اسم الكتاب: روح

اسم المؤلف: محمود علي

التنسيق الداخلي: نسرين عطيه

مؤسسين الدار

الشاعرة نسرين عطيه

الكاتبة شهد علي



## الفصل الاول

القاهرة 2020

\_ الو.. مين معايا؟

\_ انا كنت عايز ابلغ عن حاجة مفزعة بتحصل دلوقتي في صوت صراخ  
وخبط ورزع طالع من شقة الجيران الي قابلنا.. بس محدش فينا عنده  
الجرأة يعرف في أي ولا يتدخل  
\_ العنوان بسرعة عشان نتحرك

...

أنا هيثم ظابط شرطة.. لسه منقول لقسم في منطقة متوسطة.. البداية  
كانت بلاغ من شخص بيقول ان الشقة الي قدامهم طالع منها صرخات  
اتحركنا فوراً علي العنوان.. اقتحمنا الشقة لكن الغريب الشقة مهجورة..  
وبشهادة حارس العمارة والجيران ان الشقة دي مقفولة من فترة كبيرة  
وطبعا روحنا علي الشقة الي منها الشخص الي مقدم البلاغ  
والمفاجأة الشقة مهجورة من سنة!!!

..

يعني اي الكلام ده او مال مين الي بلغ؟ ممكن يكون بلاغ كاذب وحد  
بيشتغلنا

رجعت القسم وانا بضرب كف بكف.. ومش فاهم حاجه

لكن علاء زميلي اتكلم وقال

\_ أنت مش أول واحد يتكلم في الموضوع ده

\_ يعني ده حصل قبل كده؟

\_ كذا مرة.. وكل مرة نفس الناتج

\_ ازاي محدش دور ورا الموضوع؟

\_ مين قالك؟ دور ظابط هنا اسمه مصطفى

لكن دلوقتي هو في مستشفى المجانيين

\_ ليه دخل المستشفى ليه؟

\_ الي حكاه ميتصدقش.. واتقال عليه مجنون ومخه ضرب

...

بس انا عايز افهم.. يعني اي بلاغ يا جي من شقة مهجورة.. مين الي

اتصل بينا؟

\_ هيثم متفكرش في الموضوع ده وكبر دماغك

\_ لا انا لازم افهم يا علاء.. لازم

\_ انت حرة بس النهاية هتكون زي نهاية مصطفى

...

فكرت كتير في كلام علاء.. لكن في النهاية الفضول قاتل يا جماعة..  
خلصت شغل في اليوم ده الوقت متأخر بس انا هدخل المستشفى دي  
ودلوقتي

اتحركت علي المستشفى.. وصلت ودخلت بسطتي اني ظابط شرطة..  
وسألت عن مصطفى وعرفت الاوضة الي قاعد فيها.. ووصلت الاوضه  
ودخلت

...

مصطفى كان قاعد في السرير وبيقري في كتاب ومستمتع

سحبت كرسي وقعدت جمبه وعرفته بنفسي.. وقولتله

\_ أنا مقتنع مليون في المية انك مش مجنون.. انا عايز افهم اي الي  
حصل؟ انت هنا ليه؟

\_ انا هحكلك بس انت هتصدق؟

\_ انا حصلي حاجة ليها علاقة بالموضوع وعشان كده عايز افهم

\_ ههههه.. اي الشقة المهجورة اتصلت بيك؟

\_ انت عرفت ازاي؟

\_ اسمع الي حصل

...

قبل ما احكيك.. الدليل علي كلامي المذكرات في مكتبي.. اقراها و تعرف  
كل حاجة

البداية مع حسام شاب طموح ومتفوق في دراسته جتله منحة في دولة  
من دول اوروبا.. طبعاً فرصة العمر لأي شاب.. وكان وقتها حسام بيحب  
شهد الي ساكنة قدامهم وقرر يروح يخطبها قبل ما يسافر وفعلاً.. تمت  
الخطوبة

وسافر حسام.. وبدأ يدرس هناك

لكن يوم قرر يرجع.. الطائرة وقعت.. ومات.. ومات.. ايوة حسام مات.. لكن  
الجثة كانت متشوهه بفعل انها وقعت في الميه والسماك شوه الملامح

كانت صدمة كبيرة للكل.. ولشهد اولهم الي دخلت في مود اكتاب  
وانعزلت عن الناس كلها

...

في الفترة دي بدأت تاجي كوابيس لشهد.. كانت بتشوف حسام وجسمه  
غرقان دم وبيطلب منها تنقذه.. مكنتش فاهمة تنقذه ازاي؟ هو في حد  
بينقذ ميت!!

فترة صعبة عدت علي شهد لحد ما قرر أهلها عرضها علي طبيب  
نفسي

..

ومرت سنة كاملة.. سنة علي فراق حسام ولسه شهد بتفكر فيه.. وفي  
يوم كانت شهد واقفة في البلكونة

شافت اكر مشهد مرعب في حياتها.. الشقة بتاعت اهل حسام قدام  
بلكونة شهد بالظبط يعني تقدر تشوف بوضوح الي بيحصل جوه

شافت حسام خطيبها الي المفروض ميت دلوقتي

وهو بيخلص علي عيلته واحد واحد.. وبطريقة بشعة

حسام كان بيخلع راسهم من علي جسمهم بايده وكأنهم عرايس لعبة

..

انهارت شهد وفقدت النطق من بشاعة المنظر.. ولما روحت على موقع  
الجريمة كانت مدبحة حرفيا دم في كل مكان في كل شبر.. محدش كان  
فاهم اي القوة الجبارة الي تخلي حد يقتل بالشكل ده

دورنا كثير ورا الموضوع ولكن النهاية ان حسام مات وشبع موت..

وشهادة وفاته الدليل القاطع علي ده

..

شهد فضلت في المستشفى فترة.. وبعدها خرجت لكن الكوابيس بقيت

اسوء من الاول

حسام كان بيتعذب قدامها حرفيا.. كانت بتصحي من النوم تصرخ وتبكي

ولكن بصوت مش طالع

لكن حصلت حاجة مفزعة جداً

في يوم شهد كانت في اوضتها واقفة قدام المرايا بتسرح شعرها

لكن النور قطع.. لسه هتتحرك عشان تجيب تليفونها سمعت صوت

بيقولها

لسه بتحبيتي يا شهد.. النور رجع في اللحظة دي وحسام كان واقف

وراها

حاولت تصرخ لكن صوتها مش طالع... قالها

ساعديني انا بتعذب انقذيني يا شهد انا بموت

..

اخيرا شهد قدرت تنطق وصرخت.. وقتله انت عايش ازاي؟ انت قتلت

اهلك ليه؟ عملوك اي عشان تقتلهم؟

\_ هفهمك كل حاجة.. بس انتي ساعديني

\_ اساعدك ازاي؟

..

هتروحي المكان الي هقولك عليه وهتعلمي الي هطلبه منك بالحرف..

وبكده هتعرفي توصليلي

المكان كان الاهرامات

شهد مكنتش فاهمه حاجه.. لكن قررت تروح

خرجت من ورا اهلها.. وراحت هناك

..

لكن شهد مرجعتش تاني.. ووقفت حكايتها لحد كده اهل شهد اعتبروا

بنتهم ماتت بعد 3 شهور من اختفائها.. لكن في يوم ام شهد طلعت

تزرط في البلكونة وتقول شهد رجعت.. بنتي رجعت

لكنها مكنتش عارفه ان الرجوع ده في نهايتهم

...

علي بليل الكل صحي علي صوت صراخ.. صراخ مفزع.. محدش قرب

من الشقة وبلغونا

ولما اقتحمنا الشقة.. كانت الصدمة.. يتبع الجزء الثاني

...

يتبع الجزء الثاني من قصة منطقة معزولة واحداث مرعبة جداً

.



## الفصل الثاني

لقينا عيلة شهد كلها مقتولة بنفس الطريقة الي اتقتلت بيها عيلة  
حسام.. بس المرة دي محدش شاف حاجة  
شهد اخفتت.. بعد ما رجعت.. محدش كان فاهم حاجة بس انا كنت  
بحاول افهم

طبعا صورة شهد واتوزعت علي كل الكماين ومداخل المحافظات  
شهد كانت المشتبه الاول في قتل عيلتها

...

بدأنا التحقيقات الي كانت كلها بتودي لطريق مسدود.. وكان في مليون  
سؤال في دماغي؟  
يا تري حسام عايش فعلاً؟ طيب هو الي قتل عيلته؟  
طيب هو اي الي بيوصلهم للحالة دي؟ واي دخل الاهرامات في الموضوع  
..

لحد ما خرج عالم مصري جاي من دولة عظمة واتكلم كلام خطير جداً..  
والعالم ده اتقتل بالمناسبة

العالم ده قال ان في الدولة العظمي عندها منطقة معزولة عن البشر  
كلها.. قال ان المنطقة دي عبارة عن مجموعة معامل بيعملوا تجارب  
علي البشر

وبيجربوا عليهم عقارات بتحولهم وحوش علي الارض

وقال ان وباء كورونا هما السبب فيه!!

لكن اخر جزئية اتكلم فيها العالم عن حاجة مهمة جداً

قال ان المنطقة بعنت ناس لموقع سقوط الطائرة الي وقعت.. وانهم  
خرجوا منها شباب عايشين وخدوهم عشان يعملوا عنهم التجارب دي  
واتكلم عن تجربة لو ثبت صحتها... يبقي العالم كله داخل علي كرثة

العالم قال

انهم زرعوا جوه دماغ البشر دول شريحة فيها افكارهم ومن وسط الافكار  
دي افكار عدوانية تخلي الناس تقتل بعضها

عشان هدفهم انهم يخلوا العالم مليار واحد.. واطلقوا عليه المليار

الذهبي

عشان بعدها هيحكموا العالم وهيتم وضع قوانين صارمة محدش هيقدر  
يخالفها

...

\_ لو كلامك ده صح يا مصطفى.. يبقي حسام كان هناك وشهد راحت

هناك.. بس اي الي دخل الاهرامات في الموضوع ده

\_ الجماعة دول قالوا ان بدايتهم الحقيقية هتكون من الاهرامات.. يمكن

هو ده السبب

\_ كمل يا مصطفى

..

في الفترة دي انا كنت مشغول عن مراتي وكان بينا خلافات كثير... لكني

لاحظت ان خروجتها بدأت تزيد.. سألتها قلتلي انها تعرفت علي واحدة

من الجيران وبقيووا صحاب

مهتمتش بالموضوع.. وياريتني اهتمت

عشان الي اكتشفته ان الي اتعرفت عليها مراتي دي هي شهد ايوة..

وعرفت ده متأخر

..

في يوم مراتي اتصلت بيا.. وقلتلي انها عزمت صاحبته علي الغدا

قولتها تمام.. انا كده كده هتأخر في الشغل

خلصت شغل في اليوم ده.. ورجعت البيت فتحت الباب واتصدمت من

المنظر

مراتي دماغها مفصولة عن جسمها.. صرخت ووقعت علي الارض من  
المنظر.. رجليا مكنتش شيلاني حرفيا  
في الوقت ده الجيران اتلمت.. ولقيت نفسي متهم بقتل مراتي.. وجيت هنا  
عشان اتقال عليا مجنون  
انا مش مجنون يا هيثم.. مش مجنون صدقني  
\_ مصدقك يا مصطفى.. مصدقك  
\_ دي مفتاح مكتبي.. هتلاقي مذكرات شهد هناك اقراها كويس  
\_ بس أنا عندي سؤال قبل ممشي.. ليه الاتصال ده جالنا من الشقة  
المهجورة؟  
\_ انا معنديش تفسير.. بس الاكيد ان الارواح مش مرتاحة.. ارواح  
الناس الي ماتت لسه بتتعذب  
..  
سبت مصطفى وخرجت من المستشفى.. معايا مفتاح مكتبه.. روحت  
علي مكتبه وفتحته  
فضلت ادور في كل حته.. لحد ما فتحت درج لقيت فيه مذكرات مكتوب  
عليها شهد  
فتحتها وبدأت اقرأ

...

كان عندي يقين ان حسام لسه عايش.. بس الشخص الي جالي  
دلوقتي.. مش هو الشخص الي انا حبيته

ده كان اشبه بالانسان الآلي

مبرمج.. وقلي انه كان عايش بعد ما الطائرة اتقلبت

وانه فجأة لقي ناس بتشيلاه.. وافكر انه كده نجى

لكن لما فاق لقي نفسه في حوض زجاج كبير.. ومتوصل فيه خراطيم  
واسلاك.. وفيه سائل اخضر بيحاوط بيه

بعدها عملوله جراحة في المخ.. وعرف انهم زرعو شريحة في دماغه

..

حسام طلب مني اساعده.. واني لازم اروح هناك

ولما سألته هناك فين؟

طلب مني اروح الاهرامات الساعة 12 بليل واني هعمل طقوس معينة  
قدام الهرم الاكبر خوفو وبعدها هعرف اوصلوا واساعده

...

خلصت مذكرات شهد.. وانا لسه برضو مش مصدق اني عايش الاحداث  
دي

انا حاسس اني في فيلم خيال علمي.. في الوقت ده تليفوني رن

كان رئيسي في الشغل.. العقيد سامي وطلب يشوفني

روحته رغم اني كنت ناوي ارجع البيت عشان بجد تعبان جداً

...

اتكلم وقال

\_ علاء قلني انك مهتم بموضوع الاتصال الي بييجيك عن الشقة  
المهجورة.. وانا بقولك تنسي الموضوع ده وتركز في شغلك افضل مفهوم

\_ مفهوم يا فندم تحت أمرك

..

خرجت من عند العقيد وانا مستغرب عصبيته من الموضوع.. خرجت من  
المكتب

علي رنة تليفون الشغل.. جالنا بلاغ عن جريمة في حي راقى من احياء  
القاهرة

اتحركنا من القسم بسرعة علي موقع الحادث

وصلنا والمشهد جوه صعب جداً.. جثة لاتنين لسه متجوزين وراسهم  
مفصولة عن جسمهم

نفس المشهد بيتعاد من تاني

رجعت للعقيد عشان اقنعه يسبني افتح القضايا القديمة عشان نجمع أدلة  
لكنه رفض

...

لأول مرة احس ان الشغل مقيدني ومش عارف اخذ راحتي ولا اتحرك  
واخيرا رجعت البيت في اليوم ده.. كنت مرهق وتعبان جداً ودخلت نمت  
علي طول

لكن زحمة اليوم كلها كانت في الكابوس وكأنها صور متقطعة ومشاهد  
متدخلة

قومت ملقتش مراتي جمبي.. دورت عليها لكنها مش موجودة  
اتصلت بيها.. قلتلي انها مع واحدة صحبتها وجاية دلوقتي

...

قومت روحت الحمام وجهزت نفسي عشان انزل الشغل.. وانا في الطريق  
عديت علي واحد كنت اعرفه من زمان ليه في الكلام بتاع الحوادث  
الغامضة.. وسألته عن الي بيحصل

قلي

\_ دي منطقة معزولة.. بيحكمها ابليس بنفسه علي حسب الكلام  
والمعلومات الموجودة علي جوجل

بتقول انهم مخصصين كرسي لابليس وهو الي بيديهم الاوامر.. كل الي  
انت سمعته صح وما خفي كان اعظم

روح الشغل لقيت ملف قضية امبارح اتقيد ضد مجهول.. ياه للدرجة  
دي مش عاوزين نتعب نفسنا

...

دخلت للعقيد وقولتله وانا في كامل قوايا العقلية انا مستقيل.. معرفش  
عملت كده ازاي؟ ازاي موضوع زي ده سيطر على تفكيري كده وخالني  
ضيعت مستقبلي

..

رجعت البيت لقيت مراتي لسه راجعه من بره وبتقولي كانت مع صحبتها..  
وانها لسه متعرفة عليها قريب وانها عزمها علي الغدا النهارده

..

دخلت الحمام لكن فجأة افكرت كلام مصطفى (سألته قلتي انها تعرفت  
علي واحدة من الجيران وبقياوا صحاب  
مهتمش بالموضوع.. وياريتني اهتمت

عشان الي اكتشفته ان الي اتعرفت عليها مراتي دي هي شهد ايوة..  
وعرفت ده متأخر.. في يوم مراتي اتصلت بيا.. وقلتي انها عزمت  
صاحبته علي الغدا

قولتها تمام.. انا كده كده هتأخر في الشغل

خلصت شغل في اليوم ده.. ورجعت البيت فتحت الباب واتصدمت من  
المنظر



مراتي دماغها مفصولة عن جسمها) .. فتحت باب الحمام عشان اشوف  
مين الست دي.. ولكن مكنتش متوقع ان ده هيجصل.. يتبع الجزء الثالث  
والاخير

...

الفصل الثالث والاخير واحداث مشتعله

...

## الجزء الثالث والآخر

لقيت مراتي بتفتح الباب.. وزي ما توقعت هي شهد  
واقفة على الباب.. اتسحبت علي اوضتي ومن غير ما تاخذ بالها.. كان  
معايا سلاح شخصي.. خرجته  
خلاص انا قررت انا هقتلها.. هقتلها واخلص الناس كلها من أذية حتي  
مش قادر اقول البني آدمة دي  
عشان هي فعلاً مش بني آدمة هي ربوت صنعوه عشان يقضوا علي  
العالم.. زي ما أكيد صنعوا منه ملايين

...

خبيت السلاح في هدومي وخرجت الصالة.. كانت مراتي بتجهز السفارة..  
وشهد قاعدة في سكون تام

مش بتتكلم ساكتة وبصالي ومبتسمة ابتسامه مستفزة

فيما معناها.. مش هتقدر تعمل حاجة

مراتي كانت مشغولة في تجهيز الاكل وانا هنا استغللت الفرصة وسألتها

..

\_ اي الي جابك هنا يا شهد.. انا عارفك وعارف مين اللي وراكي كويس

\_ هههه.. كويس أنك عارفيني، انا جاية هنا عشان اخلص عليكم..  
عشان انت بتدور ورانا، بس أظمن مفيش حد هيقدر علينا.. ولا حد  
هيقدر يوقفنا

\_ هنقدر يا شهد.. هنقدر

..

في اللحظة دي كنت هخرج سلاحي وهضربها.. لكن اتفجأت بشهد  
بتقولي..

\_ خلي بالك ابنك خارج من الاوضة.. خبي السلاح

\_ سلاح.. سلاح اي؟

\_ ههههه.. السلاح اللي انت مخبيه في هدومك

..

أنا معرفش هيا عرفت ازاى؟ لكنها قامت وقالت لمراتي.. انا اسفة هضطر  
أمشي عشان عندي مشكلة في البيت

ومشيت.. مشيت وسبتلي تحذير اني ابطل تدوير وراهم وبلاش فضولي  
ياخدني واعرف حاجة

...

طيب اي.. هسكت، مكمش.. مستحيل لازم أكمل لازم اعرف الحقيقه

طبعاً كنت خايف علي مراتي وابني اللي مليش غيرهم في الدنيا

وعشان كده اخدتهم لمكان بعيد لحد ما أعرف هتصرف ازاي  
وقررت أرجع تاني المستشفى لمصطفى.. عاوز افهم هل وجودي منعها  
تقتل مراتي.. ولا هيا مكنتش جاية تقتلها؟

..

اخدت عربيتي وروحت علي المستشفى.. وصلت ودخلت المستشفى  
وروحت لمصطفى

اللي اول ما شافني قال

\_ كنت عارف انك هترجع.. احكي لي حصل اي معاك؟

\_ هحكيك بس عندي سؤال.. شهد كانت عندي في البيت بس مقتلتش  
مراتي زي ما حصل معاك

هي خافت من وجودي ولا هيا كانت جاية تحذرنني؟

..

\_ لا ده ولا ده ويمكن الاجابة اللي عندي تقلقك

\_ اجابة أي يا مصطفى؟

\_ واضح انهم عاوزين يضموك ليهم.. أصلا مفيش حد يقدر يمنعهم لو

كانت عاوزة تموتهم كانت عملت كده

\_ انا عاوز اقتلها.. مفيش حل تاني

\_ حاولت قبلك لكن معرفتش.. بس الحاجة الوحيدة الي هتقضي عليها  
بيها انك تضربها في دماغها بالرصاص.. هما من غيرها ولا حاجة

...

خرجت من عند مصطفى.. وطلبت من مراتي تبعت رسالة لشهد تقولها  
انها في البيت لوحدها وعاوزها تقعد معاها شويه.. طبعاً انا كنت مفهم  
مراتي علي كل حاجة... ورغم صدمتها من كلامي لكن اخدت القرار  
الصح انهم يبعدوا

المهم ان مراتي نفذت المطلوب بالضبط.. وبعثت الرسالة لشهد.. رجعت  
البيت ركبت كاتم الصوت لمسدسي.. بعد ساعة الباب خبط.. فتحت  
لقيتها شهد

قولتها اتفضلي هي مستنياكي جوه.. دخلت شهد وبدون مقدمات وقبل  
ما تحس بحاجة

طلعت المسدس وضربتها بالرصاص في دماغها

..

وقعت قدامي علي الأرض.. كنت حاسس اني انتصرت بموتها علي ايدي  
لكن الموضوع منتهاش لحد كده

بعد ما قتلتها.. رجعت المستشفى لمصطفى.. سألت عليه وروحته  
أوضته كالعادة

لكنه كان في الحمام

فضلت مستنيه شويه.. دقيقة اتنين خمس دقائق ربع ساعة

لا كده كتير.. في اللحظة دي دخلت الممرضة عشان تدي الدوا

لمصطفي

قولتها

\_ أنا كنت لسه هنادي علي حد منكم.. مصطفي طول جدا في الحمام

وانا قلقان عليه

\_ حاضر هشوفه دلوقتي

..

خبطت عليه مرة واتنين.. مفيش رد صمت

حسيت ان الممرضة قلقت

وفتحت الباب.. صرخت الممرضة من الصدمة جريت عليها.. لكني لما

شوفت المنظر فهمت

مصطفي مكنتش راسه مفصولة عن جسمه زي ما جيه في بالكم

دلوقتي.. لا خالص

..

مصطفي كان ميت بطريقة اكثر بشاعة.. مصطفي كان جسمه مسلوخ

حرفيا ومكان عينيه فاضي

المنظر نفسه مقرف ويخليك مش قادر تتحمل ده

طبعاً الدنيا اتقلبت.. تحقيقات ونيابة واتحقق معايا انا كمان.. عشان انا  
اخر واحد كنت عنده قبل ما يموت

اترفعت البصمات من علي المكان.. وطبعاً مفيش حاجة يمشوا وراها..  
محدث عايز يصدقني في اللي بحكيه وقالوا اني اتجننت

..

واستدعاني العقيد رئيسي السابق وقلي

\_ وبعدين ناوي علي ايه تاني؟

\_ يعني اي ناوي علي أي.. انتوا ليه مش عاوزين تصدقوني؟

\_ لا انا صدقت بعد ما سمعت كلام الدكتور عز.. ده عالم في الماورائيات  
وقلي كل حاجه

بس للاسف قال احنا عاوزين نعرف اي الي بيحصل هناك بالظبط

\_ يعني اي؟

\_ يعني عاوزين حد يروح هناك بس يقدر يسجل كل حاجة صوت  
وصورة.. والحد ده هو انت.. لازم نلحق الدنيا قبل ما ندمر نهائي

..

بين وبينكم وافقت حتي لو عارف اني ممكن مرجعش.. قعدت مع الدكتور  
عز الي اداني كاميرا تسجيل صغيرة اتحطت في هدومي عشان اسجل كل  
حاجة هتحصل هناك

وقلي

هتروح عند الاهرامات الساعة 12 بليل.. هترسم طلسم معين علي الحجر  
العاشر في الهرم.. هيتفتح قدامك ممر هتمشي فيه.. وهتوصل يا هيثم  
هما هيوصلوك

..

ودعت اهلي واخذت كل المطلوب وروحت الاهرامات.. واسيبكم مع  
الدكتور عز الي هينقل اي الي بيحصل بالظبط

...

مساء الخير

انا دكتور عز.. هيثم دخل الممر وهجم عليه حد وحقنه بمخدر  
ومن الواضح انهم واخدين هيثم لطيارة

...

بعد 24 ساعة وصل هيثم لمكان معزول عن العالم  
خليني اوصف المكان



مكان واسع.. ممر واسع فيه جنود مقنعين ومعاهم سلاح مطور علي  
يمين وشمال الممر.. صناديق زجاج جواها ناس كثير.. متوصل بجسمها  
خراطيم وفيه مادة لزجة جوة الصناديق  
بس اي ده.. في كرسي كبير قاعد عليه حد الكاميرا هتجيبه.. هتجيبه  
لكن فجأة.. سمعنا صوت صرخة.. كانت صرخة هيثم والاتصال اتقطع  
مش محتاج اقول.. ان هيثم مش راجع تاني.. او هيرجع زيهم  
..

اللي شوفته يخليني اقولكم قربوا من ربنا.. الايام الجاية صعبة والمستقبل  
مظلم جداً والخطر قريب مننا  
الحرب دلوقتي مش حرب سلاح.. الحرب دلوقتي حرب العقول.  
...